

lesus chemine auec deux pelerins allans en Emmaüs; qui le conneurent à la fraction du pain.

EVX Disciples allans en Emmaüs à soixante stades de Ierusalem, deuisans & disputans ensemble des choses qui y estoient aduenuës, Iesus s'approcha d'eux: (mais ils ne le conneurent pas) & leur dist, Quels font ces propos que vous tenez, dont estes si tristes? L'yn auoit nom Cleophas, & répondit; Es-tu seul pelerin, qui ne sçais ce qui est aduenu de Tesus Nazarien, qui estoit homme Prophete, puissant en œuure, & en parole deuant Dieu & tout le peuple, & comment nos grands Sacrificateurs & Gouuerneurs l'ont fait crucifier? nous auions esperance qu'il deliureroit Israël. Or voicy le tiers iour que sont aduenuës ces choses: mais quelques femmes ont rapporté qu'elles ne l'ont point trouué au sepulchre, ains ont veu les Anges, qui ont dit, qu'il est viuant. Lors Iesus les ayant repris de leur incredulité, leur exposa les écritures; & approchant de la bourgade, feignoit de passer outre : mais ils le retenoient, disant, Le soir approche, demeure auec nous. Iesus demeura doncques, & rendit graces, & rompit le pain. Lors les Disciples le conneurent; mais il s'éuanouit de deuant eux; lesquels se leuans à l'heure mesme vinrent trouuer les onze, disans, Vrayement nostre Maistre est ressuscité: & raconterent ce qui estoit aduenu en chemin, & comme ils l'auoient connu par la fraction du pain.

ૡૹૡૹૡૹૹૹૹૹૹૹૹ૱ૡૹ૽૽ૡૹૹઌૹૡૹૡૹૡૹૡૹ

S. Marc Chap. 16. S. Iean Chap. 24.